

სატრანსპორტო ფირმებში ლოჯისტიკის ოპერატორი 040766

პროფესიული სტანდარტი

I. სფეროს აღწერა

სატრანსპორტო ფირმებში ლოჯისტიკის ოპერატორის პროფესიული საქმიანობის სფერო მიეკუთვნება ასეთი სისტემის მართვის იერარქიული სისტემის დაბალ რგოლს. ოპერატორის პროფესია ორიენტირებულია საქმიანობის შემდეგ სახეთა შესრულებაზე:

სატრანსპორტო - ლოგისტიკური მომსახურების ბაზრის მონიტორინგი და ანალიზი, სატრანსპორტო-ლოგისტიკური სისტემების გამოკვლევა, ოპტიმიზაცია, დაგეგმვა და მართვა; საგარეო ვაჭრობის პროცედურების სატრანსპორტო-ლოგისტიკური უზრუნველყოფა; გადაზიდვების სატრანსპორტო-საექსპედიციო მომსახურების დოკუმენტების მომზადება; ინტერ და მულტიმოდალურ გადაზიდვებში ლოგისტიკური პროცესების, დაზღვევის მიწოდებათა მართვა; საინფორმაციო უზრუნველყოფა, საბანკო ოპერაციების მართვა და საბაჟო ფორმალობების მომზადება.

II. დასაქმების სფერო

მოცემული სტანდარტის მიხედვით ფირმების ლოგისტიკის ოპერატორი - არის ლოგისტიკური სამსახურის პერსონალი, რომელიც მუშაობს ლოგისტიკის შესაბამისი სტრუქტურული ქვედანაყოფის მეთვალყურეობის ქვეშ. ოპერატორის პროფესიული საქმიანობის ობიექტებს მიეკუთვნება სატრანსპორტო საექსპედიციო და საექსპედიციო ფირმები, სხვადასხვა დონის სავაჭრო-ლოგისტიკური კომპლექსები, სავაჭრო-შემსყიდველი და საშუამავლო ფირმები, მზა პროდუქციის მსხვილი სადისტრიბუციო ფირმები, გამანაწილებელი და ლოგისტიკური ცენტრები, სააგენტო ფირმები, საბაჟო სისტემის საწარმოები, პორტები, აეროპორტები, საბაჟო ტერმინალური კომპლექსები.

III. დამატებითი მოთხოვნები

პრაქტიკის მასწავლებელს უნდა ჰქონდეს პროფესიით მუშაობის არანაკლებ 3 წლის გამოცდილება.

- მესამე საფეხურის პროგრამაზე დაშვების წინაპირობაა საბაზო განათლება;
- მეოთხე საფეხურის პროგრამაზე დაშვების წინაპირობაა მესამე საფეხურის კვალიფიკაციის ქონა;
- მეხუთე საფეხურის პროგრამაზე დაშვების წინაპირობაა მეოთხე საფეხურის კვალიფიკაციის ქონა.

IV. საგანმანათლებლო პროგრამა და კვალიფიკაცია

სატრანსპორტო ფირმებში ლოჯისტიკის ოპერატორის პროფესიული განათლება არის სამსაფეხურიანი და თითოეულ საფეხურისათვის დამუშავებულია შესაბამისი პროფესიული განათლების პროგრამა. ყოველი საფეხურის დასრულების შემდეგ კურსდამთავრებულს ენიჭება შესაბამისი საფეხურის პროფესიული კვალიფიკაცია და გაიცემა პროფესიული დიპლომი.

სატრანსპორტო ფირმებში ლოჯისტიკის ოპერატორის მესამე საფეხურის პროფესიული საგანმანათლებლო პროგრამა მოიცავს 20 კრედიტს, რომლის 40% ეთმობა სასწავლო კომპონენტს, ხოლო 60% სასწავლო-საწარმოო პრაქტიკას. ენიჭება სატრანსპორტო ფირმებში ლოჯისტიკის ოპერატორის მესამე დონიას პროფესიული კვალიფიკაცია.

სატრანსპორტო ფირმებში ლოჯისტიკის ოპერატორის მეოთხე საფეხურის პროფესიული საგანმანათლებლო პროგრამა მოიცავს 60 კრედიტს, რომლის 40% ეთმობა სასწავლო კომპონენტს, ხოლო 60% - სასწავლო საწარმოო პრაქტიკას. ენიჭება სატრანსპორტო ფირმებში ლოჯისტიკის ოპერატორის მეოთხე საფეხურის პროფესიული კვალიფიკაცია.

სატრანსპორტო ფირმებში ლოჯისტიკის ოპერატორის მეხუთე საფეხურის პროფესიული საგანმანათლებლო პროგრამა მოიცავს 60 კრედიტს, რომლის 40% ეთმობა სასწავლო კომპონენტს, ხოლო 60% პროფესიულ პრაქტიკას. ენიჭება სატრანსპორტო ფირმებში ლოჯისტიკის ოპერატორის მეხუთე საფეხურის პროფესიული კვალიფიკაცია.

სატრანსპორტო ფირმებში ლოჯისტიკის ოპერატორის მესამე საფეხურის კვალიფიკაციის აღმწერი

<p>ცოდნა და გაცნობიერება</p>	<p>აქვს სფეროსათვის დამახასიათებელი ძირითადი ფაქტების, პრინციპების, პროცესებისა და ზოგადი კონცეფციების ცოდნა, აცნობიერებს გართულებული ამოცანების შესასრულებლად აუცილებელ ნაბიჯებს;</p>	<p>აქვს სატრანსპორტო ლოჯისტიკისა და ტრანსპორტის თითოეული სახის ფუნქციონირებისათვის დამახასიათებელი ძირითადი ტექნიკურ-საექსპლუატაციო მაჩვენებლების, სისტემური მიდგომის, ლოჯისტიკისა და მენეჯმენტის ძირითადი პრინციპების, პროცესების, საერთაშორისო კონვენციების, ზოგადი ლოჯისტიკური კონცეფციების ცოდნა, აცნობიერებს სატრანსპორტო-ლოჯისტიკურ სისტემებში (სატრანსპორტო დერეფნებში) გართულებული ამოცანების შესასრულებლად აუცილებელ ნაბიჯებს.</p>
<p>ცოდნის პრაქტიკაში გამოყენების უნარი</p>	<p>შეუძლია გამოიყენოს სფეროს სპეციფიკისათვის დამახასიათებელი უნარების ფართო სპექტრი, შეაფასოს დავალებების შესასრულებლად სხვადასხვა მიდგომა, შეარჩიოს და მიუსადაგოს სათანადო მეთოდები, ინსტრუმენტები და მასალები.</p>	<p>შეუძლია გამოიყენოს სატრანსპორტო-ლოჯისტიკის სპეციფიკისათვის დამახასიათებელი უნარების ფართო სპექტრი. დავალებების შესასრულებლად განიხილოს სხვადასხვა მიდგომები (სისტემური მიდგომისა და ანალიზის, იმიტაციური მოდელირების, გამოყენებული პროგრამული პაკეტების და სხვა), შეარჩიოს და მიუსადაგოს სათანადო მეთოდები, ინსტრუმენტები და მასალები მსოფლიო სატრანსპორტო და ლოჯისტიკურ პრაქტიკაში არსებულ მეთოდების შესაბამისად.</p>

დასკვნის უნარი	შეუძლია განსხვავებულ სიტუაციებში წამოქმნილი პრობლემების გადასაჭრელად ინფორმაციის ცნობილი წყაროებით სარგებლობა, მათი შეფასება და ანალიზი.	შეუძლია განსხვავებულ სიტუაციებში წამოჭრილი პრობლემების გადასაჭრელად ინფორმაციის წყაროებით სარგებლობა, მათი შეფასება და ანალიზი.
კომუნიკაციის უნარი	შეუძლია ზეპირი და წერილობითი კომუნიკაცია პროფესიასთან დაკავშირებულ საკითხებზე განსხვავებულ სიტუაციებში, ეფექტიანად იყენებს პროფესიულ საქმიანობასთან დაკავშირებულ საინფორმაციო და საკომუნიკაციო ტექნოლოგიებს, შეუძლია უცხო ენის პრაქტიკული გამოყენება.	შეუძლია ზეპირი და წერილობითი კომუნიკაცია სატრანსპორტო-ლოგისტიკურ ბიზნესთან და მის მომსახურე პროფესიებთან დაკავშირებულ საკითხებზე განსხვავებულ საბაზრო და საწარმოო სიტუაციებში. ეფექტიანად იყენებს ლოგისტიკურ მენეჯმენტთან დაკავშირებულ მსოფლიოში ცნობილ საინფორმაციო და საკომუნიკაციო ტექნოლოგიებს, შეუძლია უცხოური ენის პრაქტიკული გამოყენება.
სწავლის უნარი	შეუძლია წინასწარ განსაზღვრული ამოცანების ფარგლებში საკუთარ სწავლაზე პასუხისმგებლობის აღება.	შეუძლია წინასწარ განსაზღვრული ამოცანების ფარგლებში საკუთარ სწავლაზე პასუხისმგებლობის აღება, სატრანსპორტო ფირმებში ლოჯისტიკის ოპერატორის პროფესიის შესწავლისას მიღებული თეორიული ცოდნის განვრცობა და პროფესიული გარემოდან ახალი უნარ-ჩვევების ათვისება.
ღირებულებები	განსხვავებულ სიტუაციებში მოქმედებს პროფესიული საქმიანობისათვის დამახასიათებელი ღირებულებების შესაბამისად.	განსხვავებულ სიტუაციებში მოქმედებს პროფესიული საქმიანობისათვის დამახასიათებელი ღირებულებების შესაბამისად. ყოველთვის იცავს დადგენილ ეთიკურ ნორმებს.

სატრანსპორტო ფირმებში ლოჯისტიკის ოპერატორის მეოთხე საფეხურის კვალიფიკაციის აღმწერი

ცოდნა და გაცნობიერება	აქვს სფეროს ფაქტობრივ გარემოებებსა და თეორიულ საფუძვლებზე დამყარებული ცოდნა, აცნობიერებს პრობლემების გადაჭრის ზოგად შესაძლებლობებს.	მისი ცოდნა ეფუძნება სატრანსპორტო ლოჯისტიკის სფეროში ევროკავშირის, სატრანსპორტო სფეროსა და საქართველოს რეალობაში არსებულ გამოკვლევებსა და ძირითად მაპროფილებელ დისციპლინებში მიღებულ მეთოდოლოგიას, აცნობიერებს პრობლემების გადაჭრის მსოფლიოში აღიარებულ გზებს.
ცოდნის პრაქტიკაში გამოყენების უნარი	შეუძლია, სამუშაოს დაგეგმვისა და შესრულების პროცესში გამოიყენოს სანდო ინფორმაციის წყაროები, შეიმუშაოს სტრატეგია წამოჭრილი სპეციფიკური ამოცანის დასაძლევად და შეაფასოს მიღებული შედეგები შესრულებული სამუშაოს გაუმჯობესების მიზნით.	შეუძლია ლოჯისტიკური პრობლემების გადაჭრის, ლოჯისტიკური პროცესების დაგეგმვისა და შესრულების პროცესში გამოიყენოს სანდო ინფორმაციის წყაროები, შეიმუშაოს ლოჯისტიკური სტრატეგიები წამოჭრილი სპეციფიკური ამოცანის გადასაჭრელად და შეაფასოს მიღებული შედეგები სამუშაოს შესრულების მიზნით.

დასკვნის უნარი	შეუძლია სპეციფიკური პრობლემების გადასაწყვეტად შესაბამისი მიდგომის შემუშავება, ალტერნატიული შესაძლებლობების განხილვა და მიღებული შედეგის ანალიზი.	შეუძლია სპეციფიკური ლოგისტიკური პრობლემების გადასაჭრელად შესაბამისი მენეჯერული მიდგომების შემუშავება სისტემური მიდგომის ანალიზისა და რთული სისტემების სინთეზის მეთოდების და იმიტაციური მოდელის გამოყენებით, ალტერნატიული შესაძლებლობების, მიღებული შედეგების განხილვა და შეფასება მსოფლიო პრაქტიკაში აპრობირებული კრიტერიუმებისა და მეთოდების გამოყენებით.
კომუნიკაციის უნარი	შეუძლია ზეპირი და წერილობითი კომუნიკაცია პროფესიასთან დაკავშირებულ საკითხებზე ცვალებად სიტუაციებში, ახალი საინფორმაციო და საკომუნიკაციო ტექნოლოგიების დამოუკიდებლად ათვისება, უცხოურ ენაზე მიღებული პროფესიასთან დაკავშირებული ინფორმაციის დამუშავება.	შეუძლია ზეპირი და წერილობითი კომუნიკაცია სატრანსპორტო-ლოგისტიკურ ბიზნესთან დაკავშირებულ საკითხებზე ცვალებად საბაზრო და საწარმოო სიტუაციებში. შესწევს უნარი დამოუკიდებლად ათვისოს ახალი საინფორმაციო და საკომუნიკაციო ტექნოლოგიები და მათი საერთაშორისო სტანდარტები. შეუძლია უცხოურ ენაზე მიღებულ პროფესიული ინფორმაციის დამუშავება.
სწავლის უნარი	შეუძლია საკუთარი სწავლის მიმართულებების დამოუკიდებლად განსაზღვრა განჭვრეტად, თუმცა ნაწილობრივ ცვალებად, ვითარებაში.	შეუძლია ნაწილობრივ ცვალებად ვითარებაში დამოუკიდებლად განსაზღვროს სწავლის მიმართულებები და ლოგისტიკური პროცესების დაგეგმვისა და შესრულების პროცესში ათვისოს პრობლემების გადაჭრის განსხვავებული მეთოდები.
ღირებულებები	პასუხისმგებლობით ეკიდება პროფესიული საქმიანობისათვის დამახასიათებელ ღირებულებებს და ცვალებად სიტუაციებში მოქმედებს მათ შესაბამისად.	პასუხისმგებლობით ეკიდება პროფესიული საქმიანობისათვის დამახასიათებელ ღირებულებებს და ცვალებად სიტუაციებში მოქმედებს მათ შესაბამისად. ამასთან, სპეციფიკური ლოგისტიკური პრობლემების გადაჭრისას არის დისციპლინირებული, პუნქტუალური და იცავს ეთიკის ნორმებს.

სატრანსპორტო ფორმებში ლოჯისტიკის ოპრატორის მეხუთე საფეხურის კვალიფიკაციის აღმწერი

ცოდნა და გაცნობიერება	აქვს პროფესიულ საქმიანობასთან დაკავშირებული მრავალმხრივი და/ან სპეციალიზებული თეორიული და პრაქტიკული ცოდნა, აცნობიერებს პროფესიული საქმიანობის შესაძლებლობებს (საზღვრებს).	აქვს სატრანსპორტო-ლოგისტიკურ ბიზნესთან დაკავშირებული მრავალმხრივი და სპეციალიზირებული თეორიული და პრაქტიკული ცოდნა. მსოფლიოსა და რეგიონების სატრანსპორტო სისტემები; ერთიანი სატრანსპორტო ქსელის კონფიგურაცია, ტვირთების ფიზიკურ-მექანიკური და
-----------------------	--	---

		<p>ქიმიური თვისებების, სატრანსპორტო ქსელის კონფიგურაცია. სატვირთო ნაკადები და მათი პარამეტრების განსაზღვრის მეთოდები, სხვადასხვა სახის ტრანსპორტის საწარმოთა მოწყობილობა და მეურნეობა: გადაზიდვების ტექნოლოგია, ორგანიზაცია და მართვა; ლოგისტიკური და სატრანსპორტო მენეჯმენტის ძირითადი კონცეფციების, ლოგისტიკური მენეჯმენტის, დაგეგმვისა და მართვის მეთოდოლოგიური საფუძვლები, მიკრო და მაკროლოგისტიკური სისტემები, ლოგისტიკის ფუნქციონალური და მხარდამჭერი ფუნქციების მენეჯმენტი; სატრანსპორტო ლოგისტიკისა და სატრანსპორტო-საექსპედიციო მომსახურების საფუძვლები. ლოგისტიკის და სატრანსპორტო-ლოგისტიკური სისტემების მოდელირების, გამოკვლევისა და პროექტირების მეთოდები; სატრანსპორტო-ლოგისტიკური ბაზრების შესწავლის, მომსახურებაზე მოთხოვნის განსაზღვრისა და პროექტირების მეთოდები; სატრანსპორტო-ლოგისტიკური სისტემებისა და გადაზიდვების გაანგარიშების მეთოდები; სატრანსპორტო ფირმების ორგანიზაციის საფუძვლები და ფუნქციონირების ძირითადი ტექნიკურ - ეკონომიკური მაჩვენებლების განსაზღვრის მეთოდები. სატრანსპორტო ნაკადების გაანგარიშების მეთოდები ალბათობის თეორიის გამოყენებით. იცნობს ძირითად რეგიონულ და სასაქონლო ბაზრებს, ლოგისტიკური სერვისის ძირითად სახეებს. აცნობიერებს ლოგისტიკური მომსახურების ძირითად პრინციპებს და მომსახურების დონის შეფასების მეთოდებს. სატრანსპორტო-ლოგისტიკური ბაზრებზე გარემო ფაქტორების გავლენის იდენტიფიცირებისა და შეფასების ცოდნა; საბაზრო-გარემოში ფირმის საქმიანობის ადაპტირებისათვის ლოგისტიკური მეთოდების გამოყენების სპეციფიკა.</p> <p>1.5. მორალურ, ეთიკურ, გარემოსდაცვით და სამართლებრივი საკითხების</p>
--	--	--

		<p>ცოდნა და გაცნობიერება, რომელიც საფუძველს უქმნის სატრანსპორტო-ლოგისტიკური ბიზნესის წარმატებულ განვითარებას როგორც ქვეყნის შიგნით, ისე მის გარეთ.</p> <p>1.6 ეროვნული და საერთაშორისო სატრანსპორტო კანონმდებლობა: ნორმატიულ-სამართლებრივი აქტები, რომლებიც არეგულირებენ გადაზიდვების სატრანსპორტო-საექსპედიციო მომსახურების საკითხებს; ტვირთების გადაზიდვის წესები; კონვენციები და შეთანხმებები საერთაშორისო-სატვირთო მიმოსვლების შესახებ; სატრანსპორტო, სატვირთო და ფინანსური დოკუმენტაციის ფორმები; ტვირთების გადაზიდვების სატრანსპორტო ექსპედიცია და დაზღვევის ხელშეკრულებების გაფორმების წესები; საბაჟო კანონმდებლობის საფუძვლები; შრომის კანონმდებლობა; საქონლისა და სატრანსპორტო საშუალებათა საბაჟო გაფორმების და დეკლარირების წესები.</p> <p>1.7. აცნობიერებს პროფესიულ პასუხისმგებლობას, პროფესიული საქმიანობის შესაძლებლობებს (საზღვრებს) და სათანადო ეთიკურ ნორმებს.</p>
<p>ცოდნის პრაქტიკაში გამოყენების უნარი</p>	<p>შეუძლია შემეცნებითი და პრაქტიკული უნარების ფართო სპექტრის გამოყენება აბსტრაქტული პრობლემების შემოქმედებითად გადასაწყვეტად.</p>	<p>შეუძლია შესაბამისი თეორიული კონცეფციების პროფესიულ გარემოში გადატანა და საქმიანობა სტანდარტული და აპრობირებული მეთოდებით. სატრანსპორტო-ლოგისტიკური ფორმების ძირითადი საწარმოო ოპერაციების მართვა.</p> <p>სატრანსპორტო-ლოგისტიკური კომპლექსების ოპერატიული დაგეგმვა; სატრანსპორტო ნაკადებისა და ტერმინალური კომპლექსების პარამეტრების განსაზღვრა; სატრანსპორტო დანახარჯების განსაზღვრა; ყველა სახის ტრანსპორტის მატერიალურ-ტექნიკური ბაზის ანალიზი; ტრანსპორტის სახის შერჩევა; ყველა სახის ტრანსპორტის მოძრავი შემადგენლობის ტექნიკურ-საექსპლუატაციო პარამეტრების ანგარიში; სატრანსპორტო საშუალებათა</p>

		<p>მოძრაობის ოპტიმალური მარშრუტების შერჩევა; ოპტიმალური სატრანსპორტო ტექნოლოგიების სექმის შერჩევა; მარაგების პარამეტრების განსაზღვრა; ლოგისტიკურ სისტემების შესაბამის უბანზე მუშაობა; ტრანსპორტის მოძრაობის გეგმების დამუშავება; გადაზიდვის პროცესის ტექნოლოგიური ორგანიზაცია (სატრანსპორტო საშუალებათა მომზადება, ტვირთების მიღება, შენახვა, მიზიდვის კონტროლი და დატვირთვა-განტვირთვის სამუშაოთა კოორდინაცია, კონტეინერიზაცია, პაკეტირება, საინფორმაციო-კომპიუტერული მომსახურების გაწევა). სატრანსპორტო-ტექნოლოგიური პროცესის დოკუმენტბრუნვის ორგანიზაცია; გადაზიდვის ხარისხის ანალიზი; ტვირთების საბაჟო გადაფორმების ორგანიზაცია; საბაჟო რეჟიმების განსაზღვრა; საბაჟო დოკუმენტების შევსება; ტვირთებისა და სატრანსპორტო საშუალებათა საბაჟო დეკლარირება; საბაჟო გადასახადების გადახდა; სატრანსპორტო საშუალებათა და პასუხისმგებლობის დაზღვევა; სატრანსპორტო-საექსპედიციო მომსახურების გაწევა; ყველა სახის ტრანსპორტზე სატრანსპორტო-სასაქონლო დოკუმენტების შედგენა; პერსონალის ოპერატიული მართვა; სატრანსპორტო-ლოგისტიკური მომსახურების ზონის განსაზღვრა და ამისთვის საინფორმაციო ბაზების შექმნა; სატრანსპორტო-ლოგისტიკური მომსახურების, სატრანსპორტო ნაკადების და სხვა ტიპის ინფორმაციის იდენტიფიცირება, მოგროვება, გადამუშავება, ანალიზი, გადაცემა და გადაწყვეტილების არგუმენტირება. სატრანსპორტო-ლოგისტიკური ბიზნესთან დაკავშირებული ეთიკური, უსაფრთხოებისა და ჰიგიენის ნორმების გამოყენება.</p>
--	--	--

დასკვნის უნარი	შეუძლია კარგად განსაზღვრული პრობლემების ამოცნობა, მათი გადაჭრისათვის სათანადო მონაცემების იდენტიფიცირება და ანალიზი სტანდარტული მეთოდების გამოყენებით, ასევე დასაბუთებული დასკვნების გაკეთება.	შეუძლია კარგად განსაზღვრული ლოგისტიკური პრობლემის ამოცნობა. მისი გადაჭრისათვის სათანადო მონაცემების იდენტიფიცირება და ანალიზი სტანდარტული მეთოდების გამოყენებით, ასევე დასაბუთებული დასკვნების გამოტანა კომპეტენციის ფარგლებში.
კომუნიკაციის უნარი	შეუძლია იდეებისა და ინფორმაციის სტრუქტურირებულად და თანმიმდევრულად გადაცემა სპეციალისტებისა და არასპეციალისტებისათვის ხარისხობრივი და რაოდენობრივი ინფორმაციის გამოყენებით. იყენებს თანამედროვე საინფორმაციო და საკომუნიკაციო ტექნოლოგიებს. შეუძლია უცხოურ ენაზე პროფესიასთან დაკავშირებული ინფორმაციის გადაცემა და ანგარიშის წარდგენა.	თავისი პროფესიული პასუხისმგებლობის ფარგლებში პროფესიულ საკითხებზე შეუძლია ზეპირი, წერილობითი და ვიზუალური ფორმით კომუნიკაცია სპეციალისტებთან და არასპეციალისტებთან, როგორც მშობლიურ, ისე ინგლისურ ენაზე, იყენებს თანამედროვე საინფორმაციო და საკომუნიკაციო ტექნოლოგიებს.
სწავლის უნარი	შეუძლია საკუთარი სწავლის მიმართულებების განსაზღვრა ცვალებად და გაუთვალისწინებელ ვითარებაში.	შეუძლია საკუთარი სწავლის მიმართულებების განსაზღვრა ცვალებად და გაუთვალისწინებელ ვითარებაში. აქვს უნარი სატრანსპორტო ფორმებში ლოჯისტიკის ოპერატორის პროფესიის შესწავლისას მიღებული თეორიული და პრაქტიკული ცოდნა დამოუკიდებლად გააღრმავოს სატრანსპორტო-ლოგისტიკურ ბიზნესთან დაკავშირებული ამოცანების გადასაწყვეტად. გაერკვეს მენეჯმენტის სიახლეებში.
ღირებულებები	აფასებს თავისი და სხვების დამოკიდებულებას პროფესიული საქმიანობისათვის დამახასიათებელ ღირებულებებთან და უზიარებს სხვებს.	აფასებს საკუთარ და სხვათა დამოკიდებულებას პროფესიული საქმიანობისათვის დამახასიათებელი ღირებულებებისადმი. სატრანსპორტო-ლოგისტიკურ პრობლემებს მორალურ-ეთიკური, გარემოსდაცვითი და სამართლებრივი საკითხების ცოდნითა და გათვალისწინებით გადაჭრის.